


◎淺述持戒念佛

將述此義，大分為三：



今初。

甲一略示要義

自知心是佛，常以戒為師。

戒淨有智慧，便得第一道。

甲二別明法相_二

乙一、眾生皆有如來藏

《觀經疏妙宗鈔》云：大經〈如來性品〉我者，即是如來藏義。一切眾生悉有佛性，即是我義。如是我義，從本已來，常為無量煩惱所覆，是故眾生不能得見。如貧女人，舍內多有真金之藏。家人大小，無有知者。時有異人，善知方便。乃至即於其家，掘出金藏。又云：譬如王家有大力士，其人眉間有金剛珠。與餘力士掙力相撲。而彼力士以頭觸之，其額上珠尋沒膚中，都不自知是珠所在。其處有瘡，即命良醫欲自療治。乃至時醫執鏡以照其面，珠在鏡中明了顯現等。

《如來藏經》十喻者，彼經十文，一法九喻。一是所喻，九是能喻。以所從能，故云十喻。一法者，經云：佛告金剛慧菩薩：我以佛眼觀一切眾生貪瞋癡諸煩惱中，有如來智，如來眼，如來身，結加趺坐，儼然不動。善男子！一切眾生，雖在諸趣。煩惱身中，有如來藏，常無染污，德相具足，如我無異。於此文後，即舉九事以喻其法。各有長行、重頌。一萎華佛身喻。二巖蜂淳蜜喻。三糠繪粳米喻。四糞穢真金喻。五貧家寶藏喻。六菴羅內實喻。七弊衣金像喻。八貧女貴胎喻。九焦模鑄像喻。文今略舉四喻以明：

一萎華佛身喻，經偈云：「譬如萎變花，其花未開敷，天眼者觀見，如來身無染。除去萎花已，見無礙導師，為斷煩惱故，最勝出世間；佛觀眾生類，悉有如來藏，無量煩惱覆，猶如穢花纏。」

四糞穢真金喻，經偈云：「如金在不淨，隱沒莫能見，天眼者乃見，即以告眾人，汝等若出之，洗

除令清淨，隨意而受用，親屬悉蒙慶；善逝眼如是，觀諸眾生類，煩惱淤泥中，如來性不壞。」

七弊衣金像喻，經偈云：「譬如持金像，行詣於他國，裹以穢弊物，棄之在曠野。天眼見之者，即以告眾人，去穢現真像，一切大歡喜；我天眼亦爾，觀彼眾生類，惡業煩惱纏，生死備眾苦。又見彼眾生，無明塵垢中，如來性不動，無能毀壞者。」

九焦模鑄像喻，經偈云：「譬如大冶鑄，無量真金像，愚者自外觀，但見焦黑土。鑄師量已冷，開模令質現，眾穢既已除，相好劃然顯；我以佛眼觀，眾生類如是，煩惱淤泥中，皆有如來性。」

《鶡峩魔羅經》云：復次文殊師利！如知乳有酥，故方便鑽求，而不鑽水；以無酥故。如是文殊師利！眾生知有如來藏，故精勤持戒，淨修梵行。復次文殊師利！如知山有金，故鑿山求金，而不鑿樹；以無金故。如是文殊師利！眾生知有如來藏故，精勤持戒，淨修梵行，言我必當得成佛道。復次文殊師利！若無如來藏者，空修梵行，如窮劫鑽水，終不得酥。」

乙二、法身顯現依淨戒

《大薩遮尼乾子所說經》云：「一切功德助道之行，舉要言之，以戒為本，持戒為始。若不持戒，乃至不得疥癩野干身，何況當得功德之身？」

《大般涅槃經》云：「一切眾生雖有佛性，要因持戒然後乃見。因見佛性，得成阿耨多羅三藐三菩提。」

又云：若有說言：我已成就阿耨多羅三藐三菩提。何以故？以有佛性故。有佛性者，必定當成阿耨多羅三藐三菩提。以是因緣，我今已得成就菩提。當知是人則名為犯波羅夷罪。何以故？雖有佛性，以未修習諸善方便，是故未見。以未見故，不能得成阿耨多羅三藐三菩提。善男子！以是義故，佛法甚深不可思議。」

甲三結歸念佛

《妙宗鈔》云：「毘盧遮那遍一切處，一切諸法皆是佛法。所謂眾生性德之佛，非自非他，非因非果，即是圓常大覺之體。故《起信論》云：『所言覺義者，謂心體離念。離念相者，等虛空界，無所不遍，法界一相，即是如來常住法身。依此法身，說名本覺。』故知果佛圓明之體，是我凡夫本具性德。故一切教所談行法，無不為顯此之覺體。」

《徹悟禪師語錄》：「直須深信諦了，心外無佛，佛外無心。全心即佛，全佛即心。一念現前，即一念相應。念念現前，即念念相應。但使此念常現在前，便是真實効驗。離此念外，別求効驗，便是間斷，便不親切，便入岐路矣！經云：『是心作佛，是心是佛。』正此之謂也。」